

n. 17

COMMENTARIOLI PRACTICI

IN COACAS HIPPOCRATIS PRAENOTIONES

P E N S V M I.

QVO

PPAENOBILISSIMI DOCTISSIMIQUE

CANDIDATI

BENEDICTI HENRICI LOEHR

WVSTROVIA - LVNEBVRGICI

DISSERTATIONEM INAVGVRALEM

D E L E T H A R G O

D. XVII. IVN. A. R. S. MDCCLII.

H. L. Q. C.

HABENDAM INDICIT

ORDINIS MEDICI

IN ACADEMIA GEORGIA AVGVSTA

PRODECANVS

IO. GOTHOFREDVS BRENDDEL

D. P. P. O.



G O T T I N G A E

Typis IOHANNIS CHRIST. LVDOLPH. SCHVLTZII, Academ. Typogr.

COMMENTARIUM PRIMUM

IN OMNIBUS REBUS NATURALIBUS

PENSAE

DE

PRINCIPALISSIMIS DOCTRINIS

CAUSIS

BENEDICTI HENRICI LOEHR

PHILOSOPHI

DISSENTATIONEM IN ACADEMIA

D. E. L. T. H. A. R. D. O.

IN REGIA UNIVERSITATE

HALENSI

ANNO DOMINI

MDCCCXXXIII

IN REGIA BIBLIOTHECA

HALENSI

IN COLLEGIIS BRESLAVIENSIBUS

HALENSI

HALENSI

HALENSI



Q. D. B. V.

Coaca HIPPOCRATIS praeſagia commentariolis quibusdam in
uſum clinicum inſtructurus, id agam, vnum omnium, vt pro
inſtituti occaſionumque rationibus, collatis, qui typis extant con-
ſignati, codicibus optimis, paucis exponam, quibusnam vel morbis,
vel morborum temporibus oracula reſpondere illa, duce experien-
tia, videantur: e quibus intellectu non omnino facilia quaedam ſunt.
Quare his quidem ex hortis non DVRETIANOS ſlorum calathos,
ſed herbularum ſaltem Cerealium modicos quaſſillos miniſtrabo.
Veniamus protinus ad propoſitum.

1) Οἱ ἐκ ῥίγους περιψυχόμενοι, κεφαλαλγέες, τράχιλον
οδυώδεες, ἄφωνοι, ἐφιδρῶντες, ἐπανενέγκαντες θνήσκουσι.
*Qui ex rigore perfrigeſcunt, capite & collo dolentes, voce de-
ſtituti, haec ſuper ſudantes, quum ſe receperint, moriuntur.*

Liquido referri haec poſſunt ad paraphrenitides veterum, quae
vel hodie februm malignarum nomine ambituque obſervantur.
Sunt phrenitides per conſenſum enatae, ex inflammationibus vi-
ſcerum quorundam imi ventris, maxime hepatis vterique. Aliae,
exanthemata quidem naſturae, horribilis inuadere potius ſolent:
aliae, de quibus hic ſermo eſt, rigore quodam. (a) Acutae

(a) In ipſo hic limine conferri e re erit, commentarium medicum
de praeſagiis ex algore in acutis, Generoſiſſ. Viri, C. G. de BER-
GER, M. D. Regis noſtri Auguſtiſſ. Medici Aulici, diſtionis-
Cellenſis Phyſici, editum Gottingae, 1750.

ardentiores, vt pleuritides, rheumatismi acuti, aliaeque, id habent, vt alioris modo calor respondeat, adeoque rigorem sequatur aestus vehementior: quorsum imprimis pertinet, quum post rigorem *πῦρ ἐπιλαμβάνειν*, itemque *ὀξύτατον πύρετον*, aestum febrilem vehementissimum, *ἐκλάμπειν*, in Hippocraticis legitur. (b) Quae autem febres acutae phrenitidum sunt tribules, mites esse consueverunt, neque ad contactum adurentes, vt saepe vereque monet HIPPOCRATES. Obseruamus scilicet, quasdam paraphrenitides, siue malignas febres, rigore quidem ordiri, sed huius pro modo aestum non subsequi, quin per vnum pluresue dies, de algoribus horribibus, vel sub ipsis exacerbationibus, aegros conqueri. Id vero est, ex rigore, siue post rigorem, *perfrigerari*: haec sunt istae (c) *ἐκ ῥίγος κατὰ φύξιν κακὰί, μὴ ἀναδερμαίνόμεναι*, pro ratione quippe rigoris: haec ista *κακὴ θεα, ἐν ῥιγῶν μικροῖς ἰδεῶσι περισυχόμενα*. Capitis & colli dolores, atque hi quidem deliriorum antesignani, inter alia symptomata, quae alibi refert HIPPOCRATES, imprimis stuporem, morositatem quandam, tristitiam, cataracti quaedam simulacra, linguam albam & siccam, aut apice humidam, dorso aridam, sudores leues & fugitiuos, somni cupidinem, per somnum breuem pauores, delira insomnia, paulo postea vigilias, praecordiorum, dorsi, & lumborum dolores, per harum initia febrium notissima sunt. Sub vigorem febris, inter deliria, obscurior loquela, & *ἀναυδία* primo, tumque aphonía, accedunt. Hoc tempore simul sudant profusius, aut capite saltem, facie, ceruice, & dorso, aut reliquo item corpore, cū membra vix tepeant. Redeunt ad se, & resipiscunt, ante mortem, vel vno interdum alteroque die. *Ἐφιδεῖν*, alias notat leues & fugitiuos sudores, in acutarum maxime initiis; alias, qui partitum, & maxime superioribus, vt capite, collo, contingant: alias denique, qui superueniunt alia symptomata, iisque se addunt, vt *φρικώδεις ἐφιδεῖντες* dicuntur, qui horrores inter sudant. Vocem *ἐπαυαφεῖν* ne mutemus, & ipsa suadet experientia, & frequens est Graecis *ἀναφεῖν*,

(b) De morb. I. De veteri med. 29.

(c) Proverb. I. 8. Lind.

ἀναφέρειν, *ad se redire, se, vel quidquam recipere*, significatu elliptico, vt παραφέρειν, *delirare*. Ita ILL. GESNERVS noster, quem merito secutus sum, LVCIANI verba (d), ὥσπερ καὶ ἐν μέδῃ βαθείας ἀναφέροντες, sic reddidit: *quasi ex profunda se ebrietate recipientes*. Vicissim apud ARETAEVM (e) legitur ἀναφέρειν cum voce subintellec̃ta: ἦν δὲ ἀναφέρει μὲν ἤδη τὴν αἰσθησιν. AN GALENICA huius vocis explicatio (f) commodè transferri huc possit, equidem animi haereo. Ἀναφέρειν, inquit, δηλοῖ ποτε καὶ τὸ ὑπολύζειν ἀναπνέοντα, καὶ ἀναφέρειν, ὥσπερ τὰ παιδία, τὰ πεπαυμένα κλαίοντα, κ. τ. λ. Exploratissimum quidem est, respirationem hanc, in malignis potissimum, propius à morte obseruari, variisque locis ab HIPPOCRATE describi: sed redeuntes ad se ante mortem paraphreniticos, & experientia non rara offert, & ἀναφέρειν vel ἐπαναφέρειν, de efferendo spiritu, in HIPPOCRATICIS, sine adiecta voce πνεύματος, vix occurrit.

(2) Ἄς μετὰ καταψύξις δυσφορίας, κάκισται.

Cum algore morbum ferre inquietius, pessimum.

Pertinet ad initia phrenitidis & paraphrenitidum omnium, febriliumue malignarum. Videmus aegros tunc vix tepidos, quin algidos potius; ceterum anxios, inquietos, morosos, modo orthostadios, modo cubile repetentes: quae quidem sunt hae δυσφορίας. Explanatior legitur idem locus in Prorrheticis (c): Ἄς μετὰ καταψύξις, ἐκ ἀπύρετώ, ἐφιδρῶντι τὰ ἄνω, δυσφορίας, φρενιτικαί, καὶ μὲν τοι ἐλέθρια. Dicuntur aegri hi ἐκ ἀπύρεστοι, propter mitem aspectu contactuque febrem: ἐφιδρῶντες τὰ ἄνω, quod iam tunc, superioribus potissimum partibus, capite, ceruice, summo dorso, sudant. Non dubito, quin καταψύξεις hoc loco & horrores complectantur. Eadem δυσ-

(X) 3

φορίας,

(d) In Alexandro siue Pseudomanti, T. II. editionis elegantissimae, p. 232.

(e) De cur. acut. L. I. 2.

(f) In explic. vocum HIPPOCRATIS, ed. Aldinae T. V.

(g) Lib. I. 4.

φορίαι, ' & per exordia febrium hodiernarum exanthematicarum, & variolarum, praesertim in ali moris, observantur.

3) Κατάψυξις μετὰ σκληρυσμῶ, ὀλέθριον.

Algor, cum duritie quadam cutis & articulorum, exitialis.

Incidere solet, instante morte, in phrenitidein veram, in malignas non exanthematicas, in acutas alias, sine criseos cuiusdam vel abcessuum indicibus a morte propriores; in lethargum, carum, apoplexiam, in convulsiones strictim dictas, praesertim spasmus istum inferioris maxillae letalem; in asthma senum haemorrhoidale; in icterum acutum; in hydropem denique & tympaniten, membris potissimum superioribus & facie. Σκληρυσμὸν istum sic explicandum videri, & ipsa docet experientia, & alia, tum HIPPOCRATIS, tum aliorum respondentia, loca. Videmus, istis aegris illo tempore membra frigida esse, cutem simul rugosam, intentam, duram: articulos difficiliter flexiles. Alibi HIPPOCRATES (f): 'Αἱ ζυντάσεις τῷ σώματι, καὶ οἱ σκληρυσμοὶ τῶν ἄρθρων, κακόν. Daninat (g) περιτάσεις δερματος ἀνευ κρίσεως, καὶ ζύμπτωσιν ὁμμάτων, καὶ σώματος σκληρώτητά ζηρῆν. Eundem σκληρυσμὸν vocat δερματος περιτάσιν καρφαλέες, itemque δέρμα καρφαλέον καὶ περιτεταμένον (h). De tetano ARETAEVS (i): ἀτὰρ καὶ τὸ δέρμα πᾶν καρφαλέον καὶ τρηχὺ περιτέταται. De lethargicis quibusdam AETIVS (k): περιέφυκται τὰ κῶλα, καὶ ῥυσσά, καὶ ὠχρά ἐστὶ, καὶ πέπηγος σχεδὸν ἢ σύγκρισις, id est, compages corporis, articuliue.

4) Ἐκ κατάψυξης φόβος καὶ ἀθυμῖα ἄλογος, ἐς σπασμὸν ἀποτελευτᾷ.

Ex

(f) *Epid.* VI. 1.

(g) *Epid.* IV. 27.

(h) *Epid.* III. Sect. 3. aegrotο 15. & 16.

(i) *De curat. acut.* L. 6.

(k) *Lib.* IV. c. 3.

Ex algore quodam timor, & animus sine ratione deiectus, finiuntur in convulsionem.

Imminentis paroxysmi epileptici & hysterici grauioris, certum praefagium, si praesertim urinae tum temporis simul aquosae fuerint, neque a potu tales, spasticusque dolor in collo & dorso, & stupor quidam, & turbulenta insomnia (1). Scilicet maxima pars epilepticorum, pubertatem egressorum, simul ex hypochondriis laborat. Huc omnino referendae animi istae mutationes, urinaeque sine potu aquosae, splenicorum scilicet. Verissime HIPPOCRATES (m): *οἱ μελαγχολικοὶ καὶ ἐπιληπτικοὶ ἐϊώθασιν γίνεσθαι ὡς ἐπὶ τὸ πολὺ. καὶ οἱ ἐπιληπτοὶ, μελαγχολικοὶ.*

Veniendum est ad Virum Praenobilissimum, Candidatum dignissimum,

BENEDICTVM HENRICVM LOEHR

WUSTROVIA-LUNEBURGICVM.

Is de natalibus suis, vitaeque in literis praeclare actae rationibus, his exposuit:

Natus Wustroniae, Luneburgico vico, A. R. S. 1727, Patre FRANCISCO THEOPHILO LOEHR, diuini verbi ministro, pridem ad coelites transgresso, matre ANGELICA ELISABETHA, e gente MIORVM, deinde a Viro plurimum Reuerendo, DAVID PETRO LINDES, Archidiacono Luchouiae meritisimo, secundum ducta, iis omnibus mature seduloque imbutus, quibus puerilis aetas erudienda est, anno aetatis 14. Altonam commigraui, ibidemque Viris Celeberrimis, FLESSAE, MATHERNO de CILANO, PROFIO, REICHARDO, HENRICI, operam dedi. Inde Ictam profectus, Prorectore B. ECKHARDO, philosophica didici praecunte ILL. DARIIS: physica, mathematica, anatomica, botanica, physiologica, pathologica, semiotica & materiam medicam, Praeceptore ILL. HAMBERGERO; anatomica item & chirurgica, duce ILL. KALTSCHMIDIO. Exactis ibi annis duobus, in hanc ipsam inclytam Ge-

orgiam

(1) Coacar. V. 83.

(m) Epid. VI. s. 95.



orgiam Augustam me recepi, Praeceptores nactus omni laude maiores, Illustrem ordinis medici Primarium, RICHTERVm, in institutionibus elegantissimis & vtilissimis Praxeos Medicae, ad ductum aphorismorum BOERHAVEANORVM; in praescribendis remediis, & penitissimis addiscendis materiae medicae thesauris. ILL. & GENEROS. DE HALLER in physiologicis, anatomicis, botanicis, chirurgicis & medicina forensi: ILL. SEGNERVm in mechanica veriore ad physiologiam applicanda. EXC. ROEDERERVm in osteologicis.

Meis denique praelectionibus, practicis, cheimicis, obstetriciis, aliisque ad rem medicam referendis, sedulo interfuit. Appellato ordine nostro, datisque in examine eruditionis praeclarae solidaeque speciminibus, suffragiis omnium ornatus, cathedram conscendet, me praeside dissertationem suam *de Lethargo* defensus, praemissa lectione cursoria *de usu bilis*: postea honoribus Doctoris, PRAESCITV & ASSENSV SPLENDIDISSIMI ACADEMIAE CANCELLARII insigniendus. MAGNIFICVM ACADEMIAE PRORECTOREM, ILLVSTRISSIMOS S. R. I. COMITES, PATRES ACADEMIAE CONSCRIPTOS, SENATORIOS VRBIS PROCERES, DOCTORES OMNIVM ORDINVM, CIVES PERILLVSTRES, GENEROSISSIMOS ATQVE NOBILISSIMOS, rogatos cupio reuerenter & perofficiose, disputationis haec solennia praesentia sua multo honorificentissima ornare velint atque condecorare. P. P. in Acad. Georgia Augusto, Sigillo Ordinis Medici d. 16 Jun. 1752.

